

神祇寶典

共九冊

四

備付	品目	年月日	調製	果數
		昭和	年	第
			月	二
號				

170
12
B-4



傳記

四

三

六

神祇寶典卷第四

東海道

伊賀國


山田郡

阿波神社

安房社同體天太玉命也

貞觀三年四月甲寅伊賀國正六位上阿波神

授從五位下



大玉命事見安房國安房坐神社之下

伊賀郡

高瀨神社

越中國高瀨社同體大神大物主神也

伊勢國

度會郡

大神宮三座

相殿坐神二座並大
預月次新嘗等祭

即宗廟之神也

22078

荒祭宮

大月次
新嘗

神祇式云荒祭宮一座大神荒魂去大神宮北

廿四丈前年月次神嘗神衣等祭供之

倭姬命世記云荒祭宮一座伊弉那伎神所生

神名八十狂津日神皇大神荒魂也

類聚神祇本源云荒祭宮者八十禍津日神大

禍津日神多賀宮者神直日神大直日神也

日本紀云伊弉諾尊既還乃追悔之曰吾前到

於不須也。山日汚穢之處，故當滌去吾身之濁穢。則往至筑紫日向小戸橋之檉原而祓除焉。遂將盪滌身之所汚，乃興言曰：上瀬是太疾，下瀬是太弱，便濯之中瀬也。因以生神號曰八十枉津日神，次將矯其枉而生神號曰神直日神。次大直日神，然後洗左眼，曰以生神號曰天照大神，復洗右眼，因以生神號曰月讀尊，復洗鼻，因以生神號曰素戔鳴尊。

舊事紀云：伊弉諾尊初於中瀬滌之時，所成神二柱，神名八十禍津日神，次大禍津日神，復為直其禍而所成神二柱，神名神直日神，次大直日神，復洗左御目，時所成之神名天照大御神，洗右御目，時所成之神名月讀命，並坐五十鈴川上，謂伊勢齊大神。

龍原宮

大月次
新嘗

神祇式云：龍原宮一座大神宮，遙宮在伊勢與

志摩境山中去大神宮西九十里瀧原並宮一
座大神宮遙宮在瀧原宮地內

儀式帳云瀧原宮稱天照大神遙宮伊勢志摩

兩國境大山中在大神宮以西相去九十二里

倭姬命世記云廿五年丙辰春三月從飯野高

宮遷幸于伊蘇宮真奈胡神尔國名何問給

大河之瀧原之國止白支其處乎字太之大字

禰奈乎為天荒草令天荊掃天宮造令坐支此地

波皇太神之欲給地波不有悟給支其時大河

自南道宮處竟尔幸行支

又云瀧原宮一座水戶神名速秋津日子神是
也

大田命傳云伊蘇諾伊蘇冊所生河神名曰水

戶神

速秋津日彥神

舊事紀云伊蘇諾伊蘇冊二尊既生國竟更生

神十柱先生大事忍男神次生石土昆古神次
生石巢比賣神次生大戸日別神次生天之吹
上男神次生大屋比古神次生風木津別之忍
男神次生海神名大綿津見神次生水戸神名
速秋津彥神亦名速秋田命次生妹速秋津姬
命復速秋津彥速秋津姬二神因河海持別生
神十柱先生沫那藝神次生沫那美神次生頰
那藝神次生頰那美神次生天之水分神次生

國之水分神次生天之久比奢母道神次生國
之久比奢母道神次生山神名大山上津見神
次生野神名鹿屋姬神
瀧原並宮

倭姬命世記云瀧原並宮一座速秋津日子神
妹速秋津比賣神是也

伊佐奈岐宮二座 伊佐奈彌命一座
並大月次新嘗
神祇式云伊佐奈岐宮二座去大神宮北三里

寶龜三年八月甲寅伊勢伊佐奈伎命伊佐奈
彌命入於官社

社記云貞觀九年八月丁亥朔戊辰勅伊勢國
伊佐奈伎伊佐奈彌神改社稱宮預月次祭并
置內人一員貞觀十年造替遷宮仁壽三年八
月廿八日依洪水神殿流損同十月一日任宮
司伊度入注申造立彼宮

伊裝諾尊事見于淡路國淡路社之下

伊裝冊尊事見于紀伊國熊野社之下

月讀宮二座

荒御魂命一座
並大月次新嘗

荒御魂命者即月讀尊之荒魂也

神祇式云月讀宮二座去大神宮北三里

大神宮彌旦最世社記云月夜見命一座荒魂
命一座寶龜三年八月甲寅幸難波內親王第
是日異常風雨拔榭發屋卜之伊勢月讀神為
祟於是每年九月准荒祭神奉馬又荒御玉命

伊佐奈岐命伊佐奈彌命入於官社貞觀九年
八月丁亥改社号稱宮預月次祭并置内人一
負同十年廿年一度造習遷宮次被增作寶殿
奉遷於神靈也

月讀尊事見于山城國葛野郡

度會宮四座

相殿坐神三座
並大月次新嘗

即宗廟之神也

高宮

大月次
新嘗

按伊弉諾尊至筑紫日向小戸橘之櫛原而後
除之時所生之神號曰八十禍津日神曰大禍
津日神即天照大神之荒魂而荒祭宮是也次
將直其禍而所生之神号曰神直日神曰大直
日神即豐受大神之荒魂而高宮是也延喜式
第四多賀宮一座豐受大神荒魂去神宮南六
十丈祈年月次神嘗等祭供之云云
類聚神祇本源云荒祭宮者八十禍津日神大

禍津日神多賀宮者神直日神大直日神也天
照皇大神五十鈴川上御鎮坐之時荒祭宮多
賀宮為攝社同時御鎮坐也

朝熊神社

按類聚神祇本源引大田命傳云朝熊社六座
倭姬命崇祭之神社也所謂水花開耶姬命一
座大山祇命一座於保止志神一座瑞玉一座
寶鏡一座大刀子小刀子鉾等一座都六座也

水花開耶姬事見于駿河國淺間社之下

大山祇神事見于伊豆國三島社之下

大歲神事見于山城國乙訓郡

鴨神社

大和國葛上郡鴨社同體事代主神也

狹田國生神社

國生神者伊弉諾尊也蓋伊弉諾尊已生大八
洲國故稱之曰國生神者也

古記右
此說

伊弉諾尊事見于淡路國津名郡
草名伎神社

草薙劍事見于尾張國八劍社之下

磯神社

磯社者伊勢大神之齋宮也

倭姬命求鎮坐大神之處而到伊勢國時天照
大神誨倭姬命曰是神風伊勢國則常世之浪
重浪歸國也傍國可憐國也欲居是國故隨大

神教其祠立於伊勢國因興齋宮于五十鈴川
上是謂磯宮

倭姬命者垂仁天皇之女母皇后曰葉酢媛命
也

日本紀云一云垂仁天皇以倭姬命為御杖貢奉於
天照大神是以倭姬命以天照大神鎮坐於磯
城嚴櫃之本而祠之然後隨神誨取丁巳年冬
十月甲子遷于伊勢國渡邊宮

又云景行天皇四十年東夷多叛因令日本武尊平其亂冬十月壬子朔癸丑日本武尊發路之戊午枉道拜伊勢神宮仍辭于倭姬命曰今被天皇之命而東征將誅諸叛者故辭於是倭姬命取草薙劍授日本武尊曰慎之莫怠也古事記云倭建命參入伊勢大御神宮時其姨倭比賣命賜草薙劍亦賜御囊而詔若有急事解茲囊口爾到相摸國之時其國造詐白於

此野中有大沼住是沼中之神甚道速振神也於是看行其神入坐其野爾其國造火著其野故知見欺而解開其姨倭比賣命之所給囊口而見者火打有其裏於是先以其御刀薙撥草以其火打而打出火著向火而燒退還出皆切滅其國造等

多伎原神社

龍原宮一體也

月夜見神社

月讀尊事見于山城國葛野郡

大水神社

大水神者水戶神速秋津彥神也

速秋津彥神事見于瀧原宮之下

津長大水神社

同體水戶神也

大國玉比賣神社

大國玉神之女下照姬也按日本紀顯國玉之

女子下照姬亦名高姬亦名稚國玉云云

下照姬事見于大和國葛上郡高鴨社之下

御食神社

御食津神也

見于宮中八神殿之下

大土御祖神社

舊事紀云大年神娶天知迦流美豆姬為妻生

兒大土神，亦名土之御祖神

田上大水神社

大水神者水戸神也

國津御祖神社

素戔鳴尊也

古記有此說

坂手國生神社

狹田神同體伊弉諾尊也

川原坐國生神社

同體也

大間國生神社

同體也

度會乃大國玉比賣神社

大國玉神之女子下照姬亦名曰稚國玉姬也

見于大和國高鴨社之下

山末神社

日吉神松尾神同體也

古事記云六年神娶天知迦流美豆比賣生子
大山上咋神亦名山未之大主神

大山上咋神事見山城國松尾社之下

大神乃御船神社

天照大神之御船也

多氣郡

麻績神社

長白羽神也

舊事紀云天照大神入于天窟之時令麻績祖
長白羽神種麻以為青和幣復令津咋見神種
殖敷木綿以作白和幣並一夜蕃茂也

又按饒速日尊天降之時所供奉之三十二人
之內乳速日命廣瀨神麻績連等祖八坂彥命
伊勢神麻績連等祖云云蓋共長白羽神之子
孫也

古語拾遺云長白羽神伊勢國麻績祖今俗衣

服謂之白羽此緣也

天香山神社

見于大和國天香山社之下

穴師神社

兵主神也

見于大和國穴師坐兵主社之下

伊佐和神社

志摩國伊射波社同體也

見于志摩國

國生神社

伊弉諾尊也

見于度會郡

大國玉神社

大國玉神者大己貴神之一名也

見于大和國三輪社之下

伊蘓上神社

大和國山邊郡石上社同體也
見于石上社之下

林神社

林氏祖天忍日命也

見于河內國伴林氏社之下

飯高郡

大神社

三輪神也

見于大和國城上郡

物部神社

物部之上祖字摩志麻治命也

字摩志麻治命

舊事紀云饒速日尊便娶長髓彥妹御炊屋姬
為妃誕生字摩志麻治命先經妊身而未產之
時饒速日尊命婦女云汝有妊胎若有男子者
号味間見命若有女子者号色麻彌命既而所

產男子矣因号味間見命矣

又云饒速日尊天道日女命為妃天上誕生天

香語山命御炊屋姬為妃天降誕生宇摩志麻

治命

又云宇摩志麻治命亦云味間見命亦云可美

真乎命天孫天津彦火瓊杵尊孫磐余彦尊

欲馭天下興師東征徃々逆命者鋒起未伏中

州豪雄長髓彦本推饒速日尊兒宇摩志麻治命

以君奉焉至此乃曰天神之子豈有兩種乎吾

不知有他遂勒兵距之天孫軍連不能戡也于

時宇摩志麻治命不從舅謀誅殺狼戾帥眾歸

順之時天孫詔宇摩志麻治命曰長髓彦為性

狂迷兵勢猛銳至於敵戰誰敢堪勝而不據舅

計帥軍歸順遂款官軍朕嘉其忠節時加褒寵

授以神劍答其大勳復宇摩志麻治命以天神

御祖授饒速日尊天璽瑞寶十種壹而奉獻於

天孫天孫大嘉特增寵異矣復字摩志麻治命
率天物部而剪夷荒逆亦帥軍平定海內而奏
也天孫磐余彥尊都檯原宮初卽皇位字摩志
麻治命先獻天瑞亦暨神楯以齋矣天皇寵異
特甚詔曰近宿殿內矣因号足尼其足尼之号
自此而始矣高皇產靈尊兒天富命率諸齋神
部擎天璽鏡劍奉安正殿矣天兒屋命兒天種
子命奏神代古事天神壽詞也字摩志麻治命
率內物部乃暨矛楯嚴增威儀道臣命帥來日
部帶仗常其開關衛護宮門矣詔字摩志麻治
命曰汝之勲功矣念惟大功也自今已後生々
世々子々孫々八十聯綿必胤此職永為龜鏡
矣此日物部連等祖字摩志麻治命與大神君
祖天日方奇日方命並拜為中食國政大夫也
今之大連大臣是矣

丹生神社

丹生社者雨師神也

見于大和國丹生川上社之下

丹生中神社

同體也

久爾都神社

所祭地祇之社也

壹志郡

波多神社

波多臣之祖神波多八代宿禰也此宿禰者武
內宿禰之子也

見于大和國高市郡

物部神社

字摩志麻治命也

見于飯高郡

阿射加神社三座並名大

阿射加神者猿田彥之神龜也所謂三座者底

度久御魂都夫多都御魂沫佐久御魂也
嘉祥三年十月辛亥伊勢國阿邪賀神授從五位上

貞觀元年正月甲申從四位下阿射加神授從四位上

八年十一月乙巳授從三位

舊事紀云皇孫詔天鈿賣命曰此御前仕奉獲田彥大神者專所顯申也汝送奉亦其神御名

者汝負仕奉是以獲女君等負其獲田彥神名而女呼獲女君之事是也于時獲田彥神坐阿耶訶之時為漁而於比良夫貝其手見咋合而沈瀾海鹽故其沈居底之時名謂底度久御魂其海水之都夫立之時名謂都夫立御魂其沫佐久之時名謂沫佐久御魂爰送獲田彥神而還到

按古事記云阿耶訶地名云云

猿田彦神

日本紀云皇孫火瓊杵尊且降之間先驅者
還白有一神居天八蓮之衢其鼻長七咫背長
七尺餘當言七尋且口尻明耀眼如八咫鏡而
絕然似赤酸醬也卽遣從神往問時有八十萬
神皆不得目勝相問故特勅天鈿女曰汝是目
勝於人者宜往問之天鈿女乃露其胸乳抑裳
帶於臍下而笑嚙向立是時衢神問曰天鈿女

汝為之何故耶對曰天照大神之子所幸道路
有如此居之者誰也敢問之衢神對曰聞天照
大神之子今當降行故奉迎相待吾名是猿田
彦大神時天鈿女復問曰汝將先我行乎抑我
先汝行乎對曰吾先啓行天鈿女復問曰汝何
處到耶皇孫何處到耶對曰天神之子則當到
筑紫日向高千穗樵觸之峰吾則應到伊勢之
狹長田五十鈴川上因曰發顯我者汝也故汝

可以送我而致之矣天鈿女還詣報狀皇孫於
是脫離天磐座排分天八重雲積威道別道別
而天降之也果如先期皇孫則到筑紫日向高
千穗穗觸之峰其猿田彥神者則到伊勢之狹
長田五十鈴川上即天鈿女命隨猿田彥神所
乞遂以待送焉時皇孫勅天鈿女命汝宜以所
顯神名為姓氏焉因賜猿女君之号

安濃郡

大市神社

大市神者大山祇神之女也

舊事紀云素戔嗚尊娶大山祇神女名神大市
姬生兒大年神次稻倉魂神

奄藝郡

服織神社

天棚機姬神也

見于尾張國多奈波太神社之下

銓鹿郡

倭文神社

天羽槌命也

見于大和國倭文社之下

椿大神社

卜部說云椿宮者伊勢國之一宮即猿田彦神也

貞觀七年四月乙丑伊勢國從五位上勳七等

椿神授正五位下

猿田彦神事見于壹志郡阿射加社之下

三宅神社

三宅氏祖神天日杵命也

見于但馬國伊豆志神社之下

河曲郡

高市神社

大和國高市御縣神同體事代主命也

事代主神事見于宮中八神殿之下

都波岐神社

猿田彥神也與鈴鹿郡椿大神社同體也

見于壹志郡阿射加社之下

土師神社

土師連等之祖野見宿禰也

見于因幡國大野見宿禰命社之下

大鹿三宅神社

三宅氏祖神天日杵命也

見于但馬國伊豆志神社之下

朝明郡

大神社

三輪大神也

布自神社

駿河國富士神同體也

穗積神社

穗積氏祖神饒速日尊也

按舊事紀穗積臣者饒速日尊五世孫大水口宿禰之後也

姓氏錄云穗積朝臣者神饒速日命五世孫伊香色雄命之後也

貞辨郡

鴨神社

大和國葛上郡鴨社同體八重事代主神也

平群神社

事代主命事見于宮中八神殿之下

平群臣等之祖木菟宿禰也

見于大和國平群郡

鳥取神社

日本紀云垂仁天皇廿三年秋九月丙寅朔丁卯詔群卿曰譽津別王是生年既三十鬚鬢八指猶泣如兒常不言何由矣因有司而議之冬

十月乙丑朔壬申天皇立於大殿前譽津別皇子侍之時有鳴鵠度大虛皇子仰觀鵠曰是何物耶天皇則知皇子見鵠得言而喜之詔左右曰誰能捕是鳥獻之於是鳥取造祖天湯河板舉奏言臣必捕而獻即天皇勅湯河板舉此板舉曰汝獻是鳥必敦賞矣時湯河板舉遠望鵠雛之秀追尋詣出雲而捕獲或曰得子但馬國十一月甲午朔乙未湯河板舉獻鵠也譽津別

命弄是鵠遂得言語由是敦賞湯河板舉別賜姓而曰鳥取造因亦定鳥取部鳥養部譽津部按舊事紀饒速日尊天降之時所供奉三十二人之內天少彥根命者鳥取連等祖云蓋湯河板舉是少彥根命之後裔歟按姓氏錄鳥取連天湯河析命者角凝魂命三世孫云

賀毛神社

賀毛神者事代主命也

桑名郡

尾津神社二座

尾津社二座者日本武尊稚武彥王命也

日本紀云日本武尊還於尾張爰不入宮養媛之家便移伊勢而到尾津昔日本武尊向東之歲停尾津濱而進食是時解一劍置於松下遂忘而去今至於此劍猶存

日本武尊事見于尾張國熱田社之下

稚武彥王者日本武尊之兒也

按舊事紀日本武尊穗積氏忍山宿禰女弟橘媛為妃生稚武彥王命此命者尾津君之祖也

宇賀神社

宇賀御魂神又云御食津神是即五穀之神也見于宮中八神殿之下

中臣神社

天兒屋命也

見于河內國枚岡社之下

式外

火雷神社

貞觀八年十月乙未伊勢國無位火雷神授從五位下

志摩國

荅志郡

栗島坐伊射波神社二座並大

神社式云伊雜宮一座大神宮遙宮在志摩國

荅志郡去大神宮南八十三里

儀式帳云伊雜宮在志摩國荅志郡伊雜村大

神宮相去八十三里

類聚神祇本源云倭姬命世記曰伊雜宮一座天牟羅雲命裔天日別命子玉柱屋姬命是也大歲神一座國津神子云云

又云同記曰廿七年戊午秋九月鳥鳴聲高間_五
晝夜不止_{此異止}宣_五大幡主命舍人紀麻良止
差使遣_{令見}彼鳥鳴處罷行見_波鳥國伊雜方
上葦原中在稻一基生本_波一基_亦為_五未十
穗茂也彼稻白真名鶴咋時迴乍鳴_支此見顯_{スレ}
其鳥鳴聲止_支返事申_支爾時倭姬命宣久恐
志事不問_故鳥須良田作皇大神奉物_{乎止}詔
五物忌始給_五彼稻伊佐波登美神乎為_五拔₊

穗_尔令拔_五皇大神御前懸久真_尔懸奉始_支
則其稻大幡主女子乙姬_尔清酒令作御饌奉₊
始_支千稅奉始事因茲也彼稻生地千田号_支
在島國伊雜方上其處伊佐波登美之神宮造₊
奉皇大神為攝宮伊雜宮此也彼鶴真鳥_{乎号}
稱大歲神同處祝宛奉也

玉柱屋姬命

按伊勢外宮度會祠宮系圖神皇產靈尊之子

曰、攝真乳魂命、々子曰、天、曾已多智命、々子曰、
天嗣梓命、々子曰、天鈿梓命、々子曰、天御雲命、
々子曰、天牟良雲命、々子曰、天波與命、々子曰、
天、日別命、々子有四柱、其一、玉柱屋姬命也
按、姓氏錄、天日別命、者伊勢朝臣之祖也
大年神事、見于山城國大歲社之下、

尾張國

海部郡

國玉神社

大國玉神也

中島郡

大神社

大名神

三輪神同體也

野見神社

野見宿禰也

見于因幡國大野見宿禰命社之下、

大神社

名神

三輪神也

真墨田神社

名神

當國之一宮緣起曰國常立尊也

當社祭十二神所謂天神七座地神五座也

承和十四年十一月癸酉奉授尾張國無位大

縣天神真清田天神二前並從五位下

仁壽元年十一月辛巳詔以尾張國真清田大

縣兩神列於官社

三年五月辛亥授從四位下

貞觀七年七月乙巳從四位上真清田神授正四位上

國常立尊

日本紀云古天地未剖陰陽不分渾沌如鷄子

溟滓而合牙及其清陽者薄靡而為天重濁者

淹滯而為地精妙之合搏易重濁之凝場難故

天先成而地後定然後神聖生其中焉故曰開

闢之初，洲壤浮漂，譬猶游魚之浮水上也。于時
天地之中，生一物，狀如葶牙，便化為神，号國常
立尊次。國狹，植尊次，豐樹，濟尊，凡三神矣。乾道
獨化，所以成此純男次。有神塗土煮，尊沙土煮，
尊次，有神大戶之道，尊大苦邊，尊次，有神面足
尊，惶根，尊次，有神伊特諾，尊伊特冊，尊
一書曰：國常立尊，亦曰：國底立尊。

石作神社

天香語山，命六世，孫建麻利尼，命也。
見于山城國乙訓郡。

布智神社

駿河國富知社，同體也。
見于駿河國。

宗形神社

筑前國宗像社，同體也。
見于筑前國。

尾張大國靈神社

俗号國府宮，即一國之總社也。

大國主神之御靈也。

仁壽三年六月丁卯尾張國大國靈神大御靈

神等列於官社。

見于大和國大神神社之下。

大御靈神社

同體也。

葉栗郡

石作神社

石作之祖建麻利尼命也。

見于山城國乙訓郡。

丹羽郡

石作神社

建麻利尼命也。

爾波神社

日本武尊兒武田王也

舊事紀云武田王者尾張國丹羽建部君之祖

生田神社

生田神者天照大神之妹稚日女尊也

稚日女尊事見于攝津國生田社之下

大縣神社名神

俗謂之二宮

承和十四年十一月癸酉奉授尾張國無位大

縣天神真清田天神二前並從五位下

仁壽元年十一月辛巳詔以尾張國真清田大

縣兩神列於官社

三年五月辛亥授從四位下

春日部郡

物部神社

宇摩志麻治命也

見于伊勢國飯高郡

伊勢國

攝津

山田郡

大目神社

大目者孝元天皇之外祖也

日本紀云孝元天皇母曰細媛命磯城縣主大日之女也

古事記云孝靈天皇娶十市縣主之祖大日之女名細比賣命生御子大倭根子日子國玖瓊命一柱

金神社

金山彦也

金山彦事見于美濃國不破郡

多奈波太神社

舊事紀云天照大神入于天窟之時復令麻績祖長白羽神種麻以為音和幣復令津咋見神種殖穀木綿以為白和幣復令粟忌部祖天日鷲神造木綿者復令倭文造祖天羽槌雄神織

衣布者復令天棚機姬神織神衣所謂和衣者也

尾張神社

尾張連之上祖天香語山命也

天香語山命

舊事紀云饒速日尊天道日女命為妃天上誕生天香語山命御炊屋姬為妃天降誕生宇摩志麻治命兒天香語山命天降名手栗彥命亦

云高倉下命此命隨御祖天孫尊自天降坐於紀伊國熊野邑之時天孫火瓊杵尊孫磐余彥尊發自西宮親帥船軍東征之時往々逆命者鋒起未伏中洲豪雄長髓彥勒兵相距天孫連戰不能戰前到於紀伊國熊野邑惡神吐毒人物咸瘳天孫患之不知出計爰高倉下命在此邑中夜夢天照大神謂武甕槌神曰葦原瑞穗國猶聞喧擾之響宜汝更往而征之武甕槌

神對曰雖予不行而下吾平國彼時劍則自將
平矣乃謂高倉下命曰予劍飾靈今當置汝庫
裏宜取而獻於天孫矣高倉下命稱唯々寤而
明日開庫視之果有劍倒立於倉底因取而獻
焉天孫適寢忽然之曰予何長眠在此乎尋而
中毒士卒悉復醒起矣皇師趣中州天孫得劍
日增威積勅高倉下哀為侍臣也
又云初饒速日尊天降之時天香諾山命天鈿

賣命天太玉命天兒屋命等三十二人並為防
衛天降供奉矣

石作神社

建麻利尼命也

見于山城國乙訓郡

愛智郡

費田神社
大神

尾張國風土記云熱田社者昔日本武尊巡歷

東國還時娶尾張連等遠祖宮酢媛命宿於其
家夜頭向廁以隨身劍掛於桑木遺之入殿乃
驚更往取之劍有光如神不把得之卽謂宮酢
媛曰此劍神氣亘奉齋之為吾形影因以立社
由鄉為名也

釋日本紀云先師說云熱田社者日本武尊留
其形影天叢雲劍為此神體可謂日本武尊垂
跡者也

日本紀云其蛇飲酒而睡素戔嗚尊拔劍斬之
至斬尾時劍又少缺割而視之則劍在尾中是
号草薙劍此今在尾張國吉湯市村卽熱田祝
部所掌之神是也

又云天智天皇七年是歲沙門道行盜草薙劍
逃向新羅而中路風雨芒迷歸

又云天武天皇朱鳥元年六月卜天皇病崇草
薙劍卽日送置于尾張國熱田社

社說當社祭五柱之神所謂中殿者日本武尊也西殿二間祭天照大神素戔嗚尊東殿二間祭宮簀媛建稻種命又攝社有小豐命神俗呼曰元太夫即尾張氏之元祖而宮簀媛之父也建稻種命者小豐命之兒宮簀媛之弟也

嘉祥三年十月辛亥進尾張國熱田神正三位貞觀元年正月甲申授從二位二月癸卯授正

二位

康保三年三月尾張國言上正一位熱田大神自今月一日三今日并十二日亥時社中鳴如大鼓亂聲同五日夜振鳴如大鈴怪異也

日本武尊

日本紀云景行天皇立播磨稻日大郎姬為皇后生二男第一曰大碓皇子第二曰小碓尊一日同胞而雙生天皇異之則誥於碓故因号

其二王曰大碓小碓也是小碓尊亦名日本童
男亦曰日本武尊幼有雄略之氣及壯容貌魁
偉身長一丈力能扛鼎焉廿七年秋八月熊襲
亦反之侵邊境不止冬十月遣日本武尊令擊
熊襲時年十六熊襲有魁帥者名取石鹿文亦
曰川上梟帥悉集親族而欲宴於是日本武尊
解髮作童女姿以密伺川上梟帥之宴時仍劍
佩裊裏入於川上梟帥之宴室居女人之中川

上梟帥感其童女容姿則携手同席舉杯令飲
而戲弄于時也更深人闌川上梟帥且被酒於
是日本武尊抽裊中之劍刺川上梟帥之胸未
及之死川上梟帥叩頭曰且待之吾有所言時
日本武尊留劍待之川上梟帥啓之曰汝尊誰
人也對曰吾是大足彥天皇之子也名日本童
男也川上梟帥亦啓之曰吾是國中之強力者
也是以當時諸人不勝我之威力而無不從者

吾多遇武力矣未有若皇子者是以賤賊陋口
以奉尊號若聽乎曰聽之即啓曰自今以後号
皇子應稱日本武皇子言訖乃通胸而殺之故
至于今稱曰日本武尊是其緣也四十年東夷
多叛邊境騷動天皇詔群卿曰今東國不安暴
神多起亦叛夷悉叛屢畧人民遣誰人以平其
亂群臣皆不知誰遣也日本武尊笑言臣則先
勞西征是役必大確皇子之事矣時大確皇子

愕然之逃隱草中於是天皇持斧鉞以授日本
武尊曰今朕察汝為人也身體長大容姿端正
力能扛鼎猛如雷電所向無前所攻必勝即知
之形則我子實則神人是是天啓朕不審且國
不平令經綸天業不絕宗廟乎亦是天下則汝
天下也是位則汝位也願深謀遠慮探姦伺變
永之以威懷之以德天皇則命吉備武彥與大
伴武日連令從日本武尊亦以七柵脛為膳夫

日本武尊拜伊勢神宮，仍辭于倭姬，命於是倭
姬命取草薙劍，授日本武尊曰：慎之，莫怠也。是
歲初，至駿河，亦進相摸，往，上總，從上總，轉入陸
奧國時，大鏡懸於王船，從海路廻於葦浦，橫渡
玉浦，至蝦夷境，蝦夷賊首遙視王船，豫怖其威
勢，而心裏知之，不可勝，悉捨弓矢，拜之，仍面縛
服罪，故免其罪，因以俘其酋帥，而令從身也。還
之西南，歷常陸，至甲斐國，北轉，歷武藏，上野，進

入信濃，行之，出美濃，更還於尾張，即娶尾張氏
之女宮，養媛，而淹留踰月，於是聞近江膽吹山
有荒神，即解劍，置於宮養媛家，而徒行之，至膽
吹山，々々神化，大蛇當道，因跨蛇，猶行，於是始有
痛身然，稍起之，還於尾張，爰不入宮養媛之家，
便移伊勢，而到尾津，逮于能褒野，而痛甚之，則
以所俘蝦夷等，獻於神宮，因遣吉備武彥，奏之
於天皇，既而崩于能褒野，時年三十，天皇聞之

寢不安席食不甘味晝夜喉咽泣悲卽詔群卿
命百寮仍葬於伊勢國能褒野陵時日本武尊
化白鳥從陵出之指倭國而飛之群臣等因以
開其棺櫬而視之明衣空留而屍骨無之徒葬
衣冠因欲錄功名卽定武部也

舊事紀云日本武尊平東夷還參未參薨於尾
張國矣

針名神社

尾治針名根連者天香詔山命十四世孫也
物部神社

宇摩志麻治命也

日割御子神社名神大

日割社者日本武尊之兒也

承和二年十二月壬午尾張國日割御子神孫
若御子神高座結御子神總三前奉預名神並
熱田大神御兒神也

孫若御子神社名神

譽田天皇之御靈也此天皇者日本武尊之孫也故号曰孫若御子神也

譽田天皇事見于豐前國宇佐社之下

高座結御子神社名神

高座社者仲哀天皇也

仲哀天皇事見于越前國氣比社之下

八咫神社

八咫神者季祭草薙劍也

日本紀云日本武尊初至駿河其處賊陽從之欺曰是野也麋鹿甚多氣如朝霧足如茂林臨而應將日本武尊信其言入野中而覓獸賊有殺王之情放火燒其野王所佩劍叢雲自抽之薙攘王之傍草因是得免故号其劍曰草薙也一書曰本名天叢雲劍蓋大蛇所居之上常有雲氣故以名歟至日本武皇子改名曰草薙劍

火上嬬子神社

相傳云火上社者宮簀媛也蓋宮簀媛者尾張連稻種之嬬也今稱嬬子神社者是也

知多郡

羽豆神社

坐于知多郡師崎俗曰幡頭崎八幡宮神人之口碑云卽應神天皇也

神祇寶典卷第四

愛知県



1103263609